



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1735. usque ad annum 1737

Fleury, Claude

Augustæ Vindelicorum [u.a.], 1786

VD18 90119347

§. 17. Provida severitas in malæ notæ libros.

[urn:nbn:de:hbz:466:1-67868](https://nbn-resolving.org/urn:nbn:de:hbz:466:1-67868)

Sæc. XVIII. dem ferme momento ad Archiepiscopum Regiæ deferuntur literæ , quibus A. C. 1735. inhibitum , ne Archiepiscopus Parlamenti decretum exequeretur , sed potius supplicationem eo die haberi prohiberet , eoquod Parlamento non competeret , in res sacras , atque ad Decultum spectantes sese immiscere : Promulgato igitur Regis mandato præsentibus una omnes non sine interno animi mærore domum re infecta reverti cogebantur , hac supplicatione in alium diem juxta Archiepiscopi mandatum dilata.

§. XVII.

Provida severitas in noxios libros.

Laudabilius hoc anno Zelum suum Parisiense Parlamentum exeruit in damnandis libris noxiis ; cum enim anno priori infamis quidam libellus horrendis blasphemis contra Sacratissima quæque religionis Mysteria scatens , Parisiis circumferretur sub hoc titulo : *Princeps Malabarica seu Cælibatus Philosophicus* , typis Adrianopoli apud *Thomam Franco* 1734. Parlamentum ineunte hoc anno infernalem hunc partum publice carnificis manu dilacerari ac infami igne absumi jussit. Haud remissior erat summi Pontificis vigilantissima solli-

Sæc. XVIII.
A. C. 1735.

sollicitudo, qua superstitionum, errorum, ac perversorum dogmatum Zizania, quæ subinde inimicus homo superfeminabat, ex agro Dominico eradica-
re studuit ac præprimis die decima octava Maij per speciale decretum suppressit sententiam, quam Parlamentum contra Instructionem Pastoralem Camera-
censis Archiepiscopi, & contra Thesin in Sorbona propugnata pronuntiaverat. Insuper post festa Pentecostalia Pontifex epistolam Montpeffulani Episcopi ante fores Templi S. Mariæ super Minervam erecto infami pegmate per carnificem comburi iussit. Pariter die vigesima tertia Maij atro carbone notabat ejusdem Montpeffulani Episcopi mandatum, quo ipse proscripsit Joannis Soanen Sanitiensis Episcopi testamentum. Suppressit etiam die decima septima Augusti Peronti Jani seu Petri Janonij librum singularem *de Consiliis ac dicasteriis, quæ in Urbe Vindobona habentur*. Præterea Clemens omnis falsitatis, præsertim sub pietatis velamento occultatæ, Osor acerrimus die quinta Julii suppressit libellum, cui titulus: *Vera notitia de discrimine inter Indulgentiam plenariam a Papa Innocentio XII. Ecclesie ad S. Mariam de Angelis, & inter indulgentiam ab Honorio III. Basilicæ de Assisi concessam*. Declaravit tamen

Vid. supra pag.

Sæc. XVIII.
A. C. 1735.

tamen Pontifex, quod firma persistat Indulgentia ab Innocentio XII. concessa. Die autem duodecima Januarij fidelium manibus subtrahi jussit *Catechismum pro illis, qui ætate & scientia sunt maturiores.* Eadem quoque die damnavit Nicolai Hieronymi Ceppo *Scholam Mabilloniam, in qua tractantur studia, quæ Ecclesiasticis convenire possunt.* Denique die septima Septembris S. Inquisitionis Romanæ decreto liber proscriptus est cui titulus: *Veritas contra Constitutionis Unigenitus Propugnatores universi Orbi patefacta.* Jamdudum ad eliminandos feditiosos, pacis publicæ inimicos, ac Religioni noxios libros suam quoque operam ac vires impenderat Carolus VI. Imperator, qui etiam an. hujus sæculi decimo quinto die decima Octava Julii in Imperio promulgavit edictum, in cuius omnia Religioni, Principibus, Statibus & Magistratibus injuriosa scripta tanquam famosi libelli, calumniosa & maledica schediasmata fuere damnata, eaque retinere, divulgare ac legere prohibitum; quam grave autem inde negotium Acatolico Magistratu Ratisbonensi hoc anno facesserit ejusmodi scriptum, referre ad nostrum non pertinet institutum. Denique Franciæ Rex hoc anno per sanctoris sui Senatus

tus decretum supprimi jussit libellum Sæc. XVIII.
 sub titulo: *Epistola Cabilionensis Episco-* A. C. 1735.
pi ad Laudanensem Episcopum: vicissim
 vero Parisiense Parlamentum damnavit
 aliud scriptum, cui titulus: *Detecti er-*
rores Trecensis Episcopi.

§. XVIII.

Clementis XII. Papæ epistola ad Fœ-
derati Belgii Catholicos.

Postquam Ultrajectenses Pseudo - Ca- Vid. supra
 nonici Theodorum de Croon anno pag. tom. 74.
 priori sibi in suum Archiepiscopum pro- p. 513.
 pria auctoritate elegerant, summus
 Pontifex primas eo curas intendit, ne
 Catholici in Fœderato Belgio agentes
 per schismatici hujus Præfulis sibi que
 adhærentium molimina, fraudes &
 artes ab obsequio Sacræ Sedi debito
 averterentur: Recens enim adhuc erat
 tristis memoria vexationum, quibus
 Catholici præsertim Sacerdotes a
 Barchmanno nuper defuncto Pseudo-
 Archiepiscopo oppressi fuerant; quippe
 Hic non contentus, quod exclusis or-
 thodoxis Sacerdotibus ac Parochis Jan-
 senistas subrogarit, insuper Calvinia-
 nos Belgii Ordines eo inducere molie-
 batur, ut una omnes Romano-Catho-
 licos Sacerdotes, qui arrogatæ ejus
 jurisdictioni sese subiicere recusabant,
Hist. Eccles. Tom. LXXV F vio-